

Regional News Unit AIR Aizawl
Tuesday, April 02, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- State chhunga political party hrang hrangin Lok Sabha inthlana tlin ngei tumin theihtawp an chhuah chho mek.
- Pathiannia ruah leh thli thawkin thil a tih chhiat report dawn belh mek zel a ni a, thawm that hna pawh thawh chhoh zel a ni.
- Union Home Minister Amit Shah-a'n West Bengal, Assam leh Manipur Chief Minister-te chu an state theuha thli leh ruahin thil a tihchhiatte thawm tha turin tanpuina pek a tiam.

<><><>

ZPM CAMPAIGN KICKOFF

Zoram People's Movement (ZPM) chuan nimin khan Lok Sabha inthlan campaign bul an ñan a, ZPM Leader, Chief Minister Pu Lalduhoma chuan hnam leh sakhaw tana him chin zelah sawrkar laipui ñha taka thawhpui an tum tih a sawi.

ZPM Party-in Vanapa Hall-a Lok Sabha Election campaign beihpui thlak tannaah hian ZPM President Pu Lalliansawta chuan a khuh a hawng a, hun hmanpuitu Chief Minister Pu Lalduhoma chuan Mizoram Legislative Assembly-a MLA nei party zingah ZPM chiah chu Central-a ñan lam nei lo an ni tih a sawi a; hetihlai hian Central chu sum leh pai mamawh petu ber an nih avangin biak chhiat an tum loh thu sawiin hnam leh sakhaw tana him chin zelah thawhpuiin ñat leh ñhata inlawm tawn an tum a ni, a ti.

ZPM MP Candidate Pu Richard Vanlalmangaiha pawhin thu sawiin ZPM Party chu Mizoram mipuiten enchhin an tum lova, en tak tak an tum a ni, a ti a. Sawrkar laipui leh state sawrkar pahnih inkara thawk tur a nih angin leilawn nghet tak nih a tum, a ti a. State budget-ah hmasawanna hnathawhna tur a flem avangin project leh scheme a tam thei ang ber sawrkar laipui atangin hai chhuah a tum tur thu a sawi a. Zo hnahtlak zawng zawng MP nih a tum thu leh an harsatna leh manganna an thlen theihna turin an tan a inhawng reng dawn tih a sawi bawk.

<><><>

BJP PRESIDENT PRESS MEET

Mizoram BJP President Pu Vanlalhmuaka'n Mizoram sawrkar Pu Lalduhoma kaihhruiin Central sawrkar an dawr hlawhtling lo hle tih mipuite'n an hria, a ti.

He thu hi nimina Aizawl Press Club-a Press Conference-ah sawiin Pu Vanlalhmuaka chuan Chief Minister Pu Lalduhoma leh a thawhpuiten sawrkar laipui an dawrin an hlawhtling lo hle a, khumbeu leh Mizo puan chi hrang hrang pea thla an lakpui chu an thlen san ber a ni, a ti.

BJP President chuan state inthlanah BJP chu ar chuk tui lo khawpin sawichhiat a ni a, BJP inhlauh siaknain vote zawn thin a ni tih sawiin Mizo mipuite chuan hmasawn an duh chuan an fin thiam a tul, a ti.

Pu Vanlalhmuaka chuan sawrkar laipuaia BJP hotute nen an inhmuhin Lok Sabha member-ah thlan tlin a nih chuan Mizoram hmasawna tur lian tam tak sawrkar laipuiin an tihsak dawn, a ti a. Hmarchhak state-ah State President MP inthlana ding awmchhun a ni tih sawiin thlan tlin a nih chuan Central Minister a ni thei dawn, a ti a. Lok Sabha MP pakhatin Central sawrkar do a hlawk loh zia hrechiangtu chu MNF Predident Pu Zoramthanga leh a thawhpuite an nih thu a sawi, a ti a. BJP leh Hindu sawizawm chu party dangho au hla ber a ni tih sawiin Kristian Minister a awm theih nan amah vote tling turin mipuite a ngen a ni.

Pu Vanlalhmuaka chuan thlan tlin a nih chuan PM Scheme hrang hrang mipuiten tangkai zawka an hman theih nan hma a la dawn, a ti a. Mizoram BJP chuan hmasawna chu an ngaih pawimawh ber a ni tih sawiin Mizoram hmasawna chu sawrkar laipuaia hotuten an tiam, a ti bawk a. State sawrkar Pu Lalduhoma kaihhruaiin Central-ah engmah sawi chhuah an nei thei lo, a ti a; a zin hawa Press Conference-ah pawh hmasawna tur an sawi chu hun hmasa lama hmalakna hlawhtlinna chauh a ni tih sawiin an zinna hlawhchham lanna chu ZMC-ah a chiang tih a sawi bawk.

<><><>

CONGRESS DEMOCRACY RALLY

Mizoram Pradesh Congress Committee (MPCC) chuan nimin khan India ram Democracy chhanna Rally Aizawlah an huaihawt.

MPCC Campaign Committee huaihawta India ram Democracy chhanna rally hi Aizawl Israel Point-ah neih a ni a, he huna thusawitu MPCC Vice Presdident Pu Lalnunmawia Chuaungo chuan India ram democracy chu chhanchhuah a ngai a, Mizoramin MP pakhat a thlan turah pawh BJP dodal thei tur Congress candidate Pu Lalbiakzama thlan a ngai niin a sawi.

Nimin vek khan Lunglei Venglai Mizofed kawt-ah Lunglei Dist Congress Committee (LDCC) buatsaihin khawlaiah inthlan campaign neih a ni a; hetah hian MPCC MP candidate Pu Lalbiakzama chuan thu sawiin, Kristiante leh Muslim sakhua hnawksak ti em emtu Hindu firfiak RSS te Party chu BJP hi a ni a, BJP Party thil tum pui ber chu India ram hi Hindu Lalna rama siam a ni a, chumi tihlawhtling tur chuan tlawm leh zah pawh dawn lovin theitawp an chhuah a ni, a ti a. Tuna MP inthlan hmachhawn tur hi tualchhung Party-te indona a ni lo va, Kristiante dam khawchhuahna atana indona a ni, a ti.

BJP sawrkarin a pass tak UCC chu India ram dan a nih miau avangin Mizoram tan a hlauhawm niin Pu Lalbiakzama chuan a sawi a, Mizo hnam tihdan leh inhung bikna te an thiahsak ngam dawn a ni, a ti.

LDCC Street Campaign-ah hian MPCC President Pu Lal Thanzara pawhin thu sawiin, MP inthlan chu Hindu Lalram din tum BJP leh a thurualpuite leh anmahni do lettu Kristian Sakhaw humhim duhtu Congress leh a thawhpuite indona tur a ni, tiin hetihlaia MNF Candidate-in BJP lama thut a tum tlat leh ZPM Candidate-in tling ta se a thutna lam tur a hrelo hi a vanduaithlak takzet tih sawiin, Kohhrante pawh tawngtaina nen ngun taka hma lo la turin a sawm a ni.

<><><>

STORM & RAIN HAVOC

Pathiannia ruah leh thli thawkin a len chhiat state pum huap Presbyterian Kohhran Pavalai Pawl intawhkhawmna tur East Lungdar-a Pandal sak that hna chu nimin atang khan East Lungdar khawtlangin an thawk.

Tun thla ni 12 atanga ni 14 chhunga Mizoram pum huap Presbyterian Kohhran Pavalai Pawl intawhkhawm neihna tur East Lungdar tlanga Pandal sak that hnatlangah hian mi 800 vel an thawk chhuak a; pandal tlu hi senghawi fel thawkhatin a thar tur ruhrel engemawzat an tung hman. Pandal tlu chhia vanga sum hloh zat hi Cheng Nuai 15 vel a nih thu a huaihawttute chuan an sawi. Pavalai Intawhkhawm hi a hun leh hmun ngaia neih theih turin chhun zan zawma Pandal sak hna thawh an tum a ni.

Hrangturzo bialtu MLA Pu Lalmuanpuia Punte chuan nimin khan Pandal sak lai chhe ta hi a hmunah tlawhin thil tul hrang hrang a sawipui a, nizan khan Organising Committee hruaitute nen an sawiho zui a ni.

To thli leh ruahin thil a tih chhiat hi report dawn mek zel a ni a. Khawzawlah pawh chenna in tam tak a tichhia a, hriat theih chinah chhiatna thleng 77 report tawh niin nimin lama chhiatna thleng nen in 148 a tichhia nia hriat a ni. Thli tleh hian chenna in, sikul, dawr, tuizem, tuikhuah leh ran in engemawzat a tichhia a ni.

Vanchengpui, Aiduzawl, Chalrang, Chhawrtui, Hmuncheng, Kawlkulh, Khualen, Khawhai, Tlangpui, Vanchengpui, Vangtlang, Sialhawk leh Khawzawl veng hrang hrangah thliin in leh lo a tihchhiat thu dawn a ni.

To thli leh ruah rawn thawk avanga chhiatna thleng te Champhai DC Office-ah report khawm mek zel a ni a, tun thlenga hriat theih chinah Champhai District-a khua leh veng 23-a mihring 690 ten an tuar a, heng khuaa thil chhiate chu - In 5 luah tlak lohvin a chhia a, In 129 chu athen azar a chhia a, chung zingah chuan Middle sikul 1, High School 1, Higher Secondary School 1, PES 1, Supply Kudam 1, Myanmar Refugee Camp 7 leh Distric Jail 1 te an tel.

<><><>

KOLASIB DISTRICT JAIL SKILL DEV TRAINING CLOSED

District Legal Services Authority (DLSA), Kolasib-in thla kal ta March ni 23 atanga Skill Development Programme for Inmates of District Jail, Kolasib an buatsaih chu nimin khan zawh fel a ni. He training hun chhung hian Kolasib District Jail-a tangte nen ni tin hun hman thin a ni.

Kolasib District Jail-a tang mekte hnenah hian Carpentry (thing mistiri); Sahbawn siam; lemziak leh rawng chei; Lu meh; Puanthui leh Pangpar siam leh khawi te zirtir a ni a. Heng thiam thil chi hrang hrang zirtir tur hian hetiang lama thiamna bik nei, pawn lam mite chu sawmin heng mite hian Jail tangten an duh thlan thiam thil an zirtir thin a ni.

He Skill Development training-a zir tur hian Jail tang mek mipa 48-in hming an pe a, hming pe zawng zawngte hnenah tluang takin zirtirna hi kalpui a ni.

Kolasib District Jail-a thawkte leh Jail tang mekte chuan District Legal Service Authority (DLSA) thuneituten hetiang hun an buatsaihsak avangin lawmthu an sawi a, hetiang training-na hun hi buatsaih leh an duh thu an sawi.

<><><>

CM LALDUHOMA

Chief Minister Pu Lalduhawma'n Pathianni khan Aizawl Treasury tlawhin, sorkar tangka kum 2023-2024, buaina awm lova khar fel a ni chu lawmawm a tih thu leh sum ren leh daihzai taka hman a ngaih thu a sawi.

Chief Minister hian sorkar tangka kum, kum 2023-2024 Financial Year ni tawp ber Pathianni khan Aizawl North Treasury leh South Treasury tlawhin, Aizawl Treasury hnathawh dan a enfiah a, harsatna leh buaina awm lova tangka kum tha taka khar fel a ni chu lawmawm a tih thu a sawi a, sum neih ang angte ren tak chung leh daihzai taka hman a ngai, a ti a. Treasury-a thawke thawrimna fakawm a tih thu a sawi bawk.

Chief Minister hi Pu Vanlalfaka, Treasury Officer, Aizawl North Treasury chuan a lo dawngsawng a. Chief Minister hi Adviser to CM (Finance) Pu TBC Lalvenchunga, Principle Secretary Finance, Pu Vanlalchhuanga; Finance Secretary, Pu Lalthansanga leh Chief Controller of Account Pu Vanlalsawma ten an tawiam a ni.

<><><>

UNION HOME MINISTER

Union Home Minister Amit Shah-a'n nimin khan West Bengal, Assam leh Manipur Chief Minister-te biain an state chhunga thli leh ruahin tun hnaia chhiatna a thlen chungchang a sawipui.

Union Home Minister hian West Bengal, Assam leh Manipur Chief Minister-te hi a theih ang anga tanpuina pek an nih tur thu a hrilh a ni. Amit Shah-a hian thlipui thlehin chhiatna a thlen chu pawia tih thu te, thi chhungte a tuarpui thu leh hliam tuarte an dam thuai theih nana a tawngtai thu Vantlang Auhmun (Social media)-ah a tarlang a ni.

<><><>